

Na osnovu člana 20a. Zakona o radu („Službene novine Federacije BiH“ broj: 26/16, 89/18, 44/22 i 39/24) i člana 4. Pravilnika o radu JP «RTV ZENICA» d.o.o. ZENICA (broj: 965/22), te Odluke o potrebi prijema radnika u radni odnos na neodređeno vrijeme, broj: 568/23 od 18.06.2024. godine, a u skladu sa Uredbom o postupku prijema u radni odnos u javnom sektoru u Zeničko – dobojskom kantonu („Službene novine Zeničko-dobojskog kantona“, broj: 02/24) i Saglasnosti Grada Zenica, broj: 02-45-8981/24 od 24.04.2024. godine, direktor Javnog preduzeća «**RADIO TELEVIZIJA ZENICA**» društvo sa ograničenom odgovornošću ZENICA, raspisuje

JAVNI OGLAS

za prijem radnika u radni odnos na neodređeno vrijeme

I

Javno preduzeće «**RADIO TELEVIZIJA ZENICA**» društvo sa ograničenom odgovornošću ZENICA raspisuje Javni oglas za prijem radnika u radni odnos na **neodređeno vrijeme, puno radno vrijeme**, za radno mjesto:

„**11-III Operator na uređajima za snimanje slike i zvuka**“, u organizacionoj jedinici „3. Organizaciona jedinica za proizvodnju programa“.

II

Opis poslova iz člana I. Javnog oglasa glasi: u svom radu usredsređen obavljanju poslova iz osnovne djelatnosti Društva, snima, montira, obrađuje, presnimava i arhivira radio-priloge i emisije, daje i svoje ideje novinaru za snimanje emisije, odnosno priloga, radi na realizaciji radijskog i televizijskog programa, odgovoran je za snimanje i arhiviranje cjelokupnog snimljenog programa, radi u smjenama na osnovu utvrđenog rasporeda dežurstva, odgovoran je za tehnički kvalitet programa za vrijeme rada, po nalogu Šefa tehnike, te ostalih nadređenih, obavlja terenska snimanja i učestvuje u realizaciji prijenosa, radijskih i/ili TV projekata i slično, prati i obezbjeđuje kvalitetno postavljanje tonkih kablova, mikrofona i ostalih uređaja neophodnih za kvalitetno tonsko snimanje i emitovanje programa, odgovoran je za kvalitet slike i tona snimljenog materijala, odgovoran je za rad u studiju sa studijskom kamerom, obavlja i druge poslove prema zahtjevu i uputstvima Šefa tehnike, Glavnog i odgovornog urednika i direktora Društva, za svoj rad odgovara Šefu tehnike, Glavnom i odgovornom uredniku i direktoru Društva.

Osnovna plaća radnog mjesta iznosi: 784,70 KM.

III

Prijava na Javni oglas vrši se pisanom prijavom koja mora biti potpisana od strane kandidata.

Kandidati koji se prijavljuju na Javni oglas moraju da ispunjavaju opšte i posebne uslove i to:

a) OPŠTI USLOVI

- da je stariji od 18 godina,
- da je državljanin BiH i da ima prebivalište u BiH i

- da je zdravstveno sposoban za obavljanje poslova radnog mjesta na koje se prijavljuje (dostavit će onaj kandidat koji bude izabran u roku od 15 dana od dana od dana zaprimanja obavještenja o njegovom izboru, odnosno okončanja oglasne procedure).

b) POSEBNI USLOVI

- stepen obrazovanja: srednja stručna sprema, III stepen stručne spreme i
- naučna oblast/smjer: svi obrazovni profili.

IV

Uz prijavu na Oglas, kandidati su dužni dostaviti:

- potpisanu prijavu na Oglas, koja obavezno sadrži: ime i prezime, adresu prebivališta, kontakt telefon i e - mail, naziv radnog mjesta iz Javnog oglasa na koje se podnosi prijava, spisak dokumentacije koja se prilaže uz prijavu, datum prijave, potpis kandidata,
- uvjerenje o državljanstvu,
- izvod iz matične knjige rođenih (rodni list),
- potvrdu o prebivalištu – CIPS i
- diplomu o završenom školovanju.

V

Uz prijavu na Javni oglas, kandidati su dužni dostaviti dokumente o ispunjavanju opštih i posebnih uslova, original ili ovjerene fotokopije koje nisu starije od 6 (šest) mjeseci, osim za rodni list, računajući do dana objave Javnog oglasa.

Kandidati uz prijavu, osim potrebnih dokumenata, mogu dostaviti i druge dokumente koji mogu uticati na izbor kandidata.

Sa kandidatima koji budu ispunjavali formalno – pravne uslove (što dokazuju priloženom dokumentacijom), Komisija za izbor kandidata za prijem u radni odnos, obaviti će audiciju. Kandidati će o terminu i mjestu održavanja audicije, biti obaviješteni dostavom skenirane obavijesti na e - mail adresu kandidata najmanje 5 (pet) dana prije održavanja audicije, a ista obavijest biće postavljena i na web stranici, te Oglasnoj ploči Preduzeća.

Nakon održane audicije, Komisija, u skladu sa postignutim ocjenama na audiciji, sastavlja Izvještaj i utvrđuje Listu uspješnih kandidata i iste dostavlja direktoru preduzeća.

Ako kandidat ne pristupi audiciji u tačno zakazanom terminu i mjestu, smatrat će se da je odustao od daljnje oglasne procedure.

Za sva dodatna obavještenja možete se obratiti na telefon broj: 032/449 – 212.

VI

Neuredne, nepotpune i neblagovremen prijave, Komisija će odbaciti zaključkom koji se dostavlja na adresu podnosioca prijave.

Sa kandidatom koji bude primljen u radni odnos na prijavljeno radno mjesto, zaključit će se ugovor o radu na neodređeno vrijeme na puno radno vrijeme.

VII

Kandidati koji nisu izabrani na radno mjesto, bit će obaviješteni pisanim putem na adresu prebivališta o izboru kandidata za prijem u radni odnos, sa poukom o pravnom lijeku, najkasnije u roku od 5 (pet) dana od dana donošenja odluke o prijemu u radni odnos izabranog kandidata.

VIII

Obavijest o Javnom oglasu bit će objavljena u dnevnom listu „Dnevni avaz“, a integralni tekst Javnog oglasa bit će objavljen na internet stranici JP «RTV ZENICA» d.o.o. ZENICA, Grada Zenica i JU Služba za zapošljavanje Zeničko – dobojskog kantona.

Javni oglas ostaje otvoren osam (8) dana od dana posljednje objave.

Prijave sa potrebnom dokumentacijom, dostaviti u zatvorenoj koverti, preporučenom poštom sa povratnicom na adresu:

Javno preduzeće «RADIO TELEVIZIJA ZENICA»
društvo sa ograničenom odgovornošću ZENICA,
Bulevar Kralja Tvrtka I bb,
72000 Zenica
„NE OTVARAJ – PRIJAVA NA JAVNI OGLAS”.

Neuredne, nepotpune i neblagovremeno pristigle prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu.

Kandidati koji ne budu pozvani na audiciju odnosno kandidati koji nisu izabrani, mogu preuzeti svoju dokumentaciju u sjedištu preduzeća, uz predočenje lične karte.

Direktor Društva

Nandino Škrbić

Broj: 569/24
Zenica, 18.06.2024. godine